

U Tuzli, 15.10.2008. godine

FTV

G-đa Duška Jurišić

Urednica emisije «Pošteno govoreći»

Via fax 033 461 537

Poštovana gospođo Jurišić,

Rado sam se odazvao Vašem vrlo ljubaznom pozivu da sudjelujem u Vašoj emisiji o temi korupcije u visokom obrazovanju. Bio sam spreman prezentirati mjere koje je poduzeo Univerzitet u Tuzli u suzbijanju ove pojave, i to na institucionalnom nivou (sistemske mjere), kao i djelujući ad-hock na aktualne pojave.


No, budući da je u više navrata došlo do više promjena gostiju koji bi zajedno sa mnom trebali sudjelovati u emisiji, zaključio sam da emisija neće imati za cilj ozbiljno i odgovorno tretirati ovu devijantnu pojavu, već da je intencija emisije imati potpuno populistički pristup.

S obzirom da smatram da populistički pristup može dati samo kratkoročne rezultate, čiji vijek trajanja može biti toliko kratkoročan da traje koliko se o tome i govori, ali da se sistem ne može temeljiti na populizmu, odlučio sam u ovoj emisiji ne sudjelovati.

Slobodan sam predložiti da se u narednom periodu održi jedna emisija o istoj temi, ili još bolje o aktualnoj temi reforme visokog obrazovanja, u kojoj će biti gosti rektori svih javnih univerziteta, a ako želite pozovite i druge goste. Smatram da bi rektori naših javnih univerziteta kao najkompetentnije i najodgovornije osobe, u jednom potpuno otvorenom dijalogu mogli dati odgovore na brojna aktualna pitanja.

Ovom prilikom želim iskazati puno poštovanje Vama i svim Vašim uvažanim gostima u emisiji od četvrtka, 16.10.2008. godine, uvjeren da će oni dati doprinos rasvjetljavanju korupcije na univerzitetima u Bosni i Hercegovini i animiranju javnosti i zajednice na iznalaženju mjera za suzbijanje korupcije.

S pozdravom i poštovanjem,

A handwritten signature in black ink, appearing to read 'Džemo Tufekčić'.

Prof. dr. sc. Džemo Tufekčić
Rektor Univerziteta u Tuzli